

LINGUISTICHE

A Lignan la scuele estive di glotologjie

Dal 2 ai 6 di Setembar a Lignan si è tignude la Scuele estive di glotologjie e linguistiche organizade dal Dipartiment di

studis umanistics de Universitât dal Friûl in colaborazion cu la Societât taliane di glotologjie. Nassude e di simpri dedicate a garantî la formazion des gnovis gjenerazions di studiôs e furnî ai futûrs linguiscj un moment di inzornament scientific e di confront culturâl sui temis plui atuâi de ricercje intes sciencis dal lengaç, la Scuele e je indreçade a zovins ricercjadôrs, dottorants di ricercje, laureâts e laureants in disciplinis linguistichis. Ae edizion 2013 a àn partecipât 46 linguiscj zovins in formazion che a vegnin di ateneus di dute Italie, di Bolzan a Messine. Dilunc des lezioni a son stâts tratâts temis che a van de etnolinguistiche de aree iraniche ae sociolinguistiche storiche, de linguistiche saussuriana al talian intal mont e al teme dai rapuarts tra lengaç, cerviel e evoluzion.